

zu Carpi für den Bau und die Wiederherstellung der Brücke von Pusterla.

1187 August 28, Parma.

Henricus sextus divina favente clementia Romanorum rex et semper augustus.

Regie maiestatis benignitas atque clementia omnes religiosas personas et earum bona protegere, manutenere et ab omni infestatore defendere consuevit et eas maxime, quarum bona lucent opera, que charitatis studio invigilantes se ipsas servitio pauperum pro Christo obtulerunt, comuni utilitate deservientes. De divina igitur retributione pro omnibus bonis, que fecimus, spem certam habentes domum hospitalis ad pontem Posterla cum personis ibidem deo deservientes et cum omnibus bonis suis, que nunc habet vel imposterum iuste adipisci poterit, et domum hospitalis cruciferorum in Tridentina civitate constitutum sub nostre protectionis et tutaminis defensione recepimus. Ad hec uberiori beneficio volentes posterorum utilitati providere, de promptuario sive cellario nostro apud Carpum decimas omnes de annona, de vino et aliis victualibus pro anime nostre et parentum nostrorum remedio et salute tradimus perpetuo ad edificandum pontem de Posterla et ad reparandum, si forte contingat eundem pontem in aliquo labefactari, cum plane fuerit constructus et perfectus. Statuimus autem et auctoritate regii edicti precipimus, ut in prefata elemosina nostra nullus archiepiscopus vel episcopus [vel minister^a] archiepiscopi vel episcopi potestatem aliquam habeat neque in recipiendo neque in dispensando, sed totaliter in edificatione et emendatione predicti pontis expendatur. Sancimus igitur, ut nullus dux, marchio, comes, vicecomes, nulla civitas, nulla comunitas, nulla denique secularis vel ecclesiastica persona hoc nostre protectionis et defensionis tutamen et donum prenominationum, quod ad edificandum prefatum pontem contulimus, audeat infringere vel violare et qui fecerit in ultionem sue temeritatis viginti libras auri puri componat, medietatem camere nostre, reliquum vero passis iniuriam persolvat.

Datum Parme anno dominice incarnationis 1187, indictione quinta, quinto kal. septembris.

Otto IV. wiederholt den Kreuzträgern von Bologna die Urkunde Friedrichs I. von 1175 Juli 27.

1210 April 10(?), Imola.

In nomine patris et filii et spiritus sancti.

a) Zehn Punkte in der Hs.